


春秋五禮例宗序

雪川張

大亨集

昔杜元凱作釋例以明春秋異同之義事類相發各為條網使覽者用力少而見功多可謂善矣然其間雜以傳例與經踳駁而又摘數端不能該盡學者病之唐陸淳乃因啖趙之餘別為纂例其所條列一出於經比於杜公詳顯字密後之說者謂之要例然淳拘於微文捨事從例故事有相濟以成而反裂為數門者非特差失其始終抑亦罔昏其義趣聖經大旨支離失其迷眩後生莫此為甚蓋



人之美惡小大萬殊聖人因其實而被之以
名豈顧拘於繩約若乃定其筆削以示後世
則固有典要存焉善學者因其人之美惡以
推聖人之心而究觀其典要之所在則其言
不辨而自白矣願子非知經者特懼子弟之
溺於斯乃綴緝本文通其乖舛以刊前作之
誤名曰春秋五禮例宗蓋周禮盡在魯矣聖
人以爲法凡欲求經之軌範非五禮何以質
其從違觀者或無間於古今則當信予言之
不妄也紹聖四年二月十七日序

春秋五禮例宗目錄

第一卷

吉禮

王正

即位

五附

郊望

宗廟

視朝附

雩

第二卷

凶禮上

王喪葬

內喪葬

外喪葬

第三卷

凶禮下

弑殺葬

災變

第四卷

軍禮一

伐 按附以附 侵

第五卷

軍禮二

圍次 戰敗 克獲 取入

滅亡 遷潰 追 戍 乞師

平成 軍賦 雜事附

第六卷

軍禮三

執以歸 逃附 放 奔入歸納叛

盜 已上四門並附

第七卷

軍禮四

蒐狩 城 按附

興築 按附

第八卷

賓禮上

朝 聘 來 會

盟 齊命附

第九卷

賓禮下



遇 如至

第十卷

嘉禮

昏 歸厥 享

肆皆 附



吉原高宗
收海無書



春秋五禮例宗卷第一 吉禮 張氏

王正

隱元年春王正月

桓元年春王正月二年十年十八年同

莊元年春王正月三年五年六年八年十年十一年十

六年十九年二十一年二十二年三十年同 莊三十二年不書王正者二十書王不書正七

閔元年春王正月二年同

僖元年春王正月二年三年四年六年八年十年十五年十

六年十八年二十四年二十五年二十六年三十年三十二年同

文元年春王正月三年五年八年十二年十三年十四年

同 文公十八年不書王正者入書王不書正者三

宣元年春王正月三年四年九年十二年十六年十七年

同宣公十八年不書王正者一十書王不書正者一

成公元年春王正月三年五年六年七年九年十四年

十六年十八年同成公十八年不書王正者七書王不書正者二

襄元年春王正月二年八年十年十四年十六年十九年二十

年二十一年二十二年二十九年三十年三十一年同襄

十二年不書王正者十二書王不書正月者六

昭公元年春王正月三年四年五年六年七年十年

十五年二十年二十三年二十六年三十年三十一年

三十二年同昭公三十二年不書王正者十三書王不書正者五

定公二年春王正月三年六年七年八年九年十五年

同定十五年不書王正者四書王不書正者四元年無正月

哀公元年春王正月八年同哀公十四年不書王正者八書王不書正者四

人君即位之一年謂之元年歲之初月謂之正

月元者首也故善之長謂之元惡之大亦謂之

元以一年為元則人君自此而首庶物善惡自

此而始焉正者所以正物也以初月為正則四時

於是取正焉先儒謂春秋以一為元又謂人君即

位欲體元以居正而書稱太甲元年則謂一為元

不獨春秋又曰元惡大憝則元不獨為善也凡

正月每歲輒舉之則又不獨即位也王正月者左

氏謂周正月也三代之正不同周以建子商以建

丑夏以建寅春秋以周正爲主故又曰王二月王三月焉明非王之正也國君即位得以改元而正月則不可改者蓋即位之年自其身言之可以爲首而正月則王所以同天下之尚非本之一人也先儒謂周官所稱正歲與凡田狩郊祀之類皆兼用夏正考之於經或合不合然春秋所書則純用周正也王歲班其正于萬邦萬邦奉之無敢變亂以明大統之所在以一諸夏之所承自唐虞以來未之或改書所謂協時月正日是也周置太史以掌之六卿於此班政治焉諸侯受而歲諸廟歲之首則朝廟而行之謂之朝正及其衰也太史失班諸侯

失朝而天下始異尚矣然當是時周之法度自爵祿之籍諸侯固已畏其害已而去之獨王正未有輒變亂者則以不足爲之損益故也聖人闕周室之不競思欲抗王道而黜僭差幸正朔之猶存則舉而冠於諸侯行事之上以明天命之未改而示天下之有尊且以見王正及於諸侯然後可責以尊王之義其或不書則周失班也夫正朔之存固未足以懲其侮然彼不敢變亂則是猶有宗周之心而周復不知以此自勉其不競宜哉隱公在位十一年一書王正月公穀曰隱不自正也元年有正所以正隱也桓公在位十八年四書王

正月穀梁曰相無王其書王者所以治相及正宋公之弒曹伯之卒也定公元年不書正月穀梁曰定無正見無以正也夫正朔所以明時王之尚耳非以定人之邪正也隱立之是非當自其身見之何與正朔又相以篡而不書則宣公之屢書宜不為篡矣隱之十一年春滕薛來朝穀梁曰時朝正也信斯言則彼年之春但當書時以明滕薛之正雖在正月所不得書也夫既以不得書月為例而又謂之無正亦已誤矣

即位

隱元年春王正月

相元年春王正月公即位

莊元年春王正月

閔元年春王正月

僖元年春王正月

文元年春王正月公即位

宣元年春王正月公即位

成元年春王正月公即位

襄元年春王正月公即位

昭元年春王正月公即位

定元年夏六月戊辰公即位

哀元年春王正月公即位

隱四年十二月衛人立晉

昭二十三年尹氏立王子朝

凡君沒既殯則嗣子於是即位王制曰天子七日而殯諸侯五日大夫士三日以願命考之成王乙丑崩丁卯命作冊度越七日癸酉康王即位則崩既九日矣魯昭公之喪癸亥至自乾侯戊辰定公即位穀梁曰殯然後即位說者以喪至之日爲始薨則薨既六日矣蓋喪禮死與往日生與來日三日而斂自天子達所謂聖人爲之斷者是也若殯之日則各視其葬月焉故王崩三日而斂則作冊度後

七日而殯則康王即位昭公喪至則爲既斂之來日後五日而殯則定公即位士喪禮曰死日而襲厥明而小斂又厥明大斂而殯自襲至大斂雖士亦三日士踰月而葬則殯與大斂固同日矣然大記謂士二七日而嗣子即位也即位之禮備於初喪康王既受圭飲齊朝卿士邦君而誥之自稱曰予一人則禮既成矣諸侯亦然然經必踰年然後書者禮雖成猶未正其位康王由賓階墜見諸侯於應門之內也若既踰年則踐阼負宸矣其有故而初禮或廢則踰年雖正位而不書蓋禮不成也凡經不書即位皆以故

廢也天王外諸侯之即位不書內外異也惟不以正立而魯及知者則書之曰立

郊望

僖三十一年夏四月四卜郊不從乃免牲猶三望

宣三年春王正月郊牛之口傷改卜牛牛死乃不郊猶三望

成七年春王正月懸鼠食郊牛角改卜牛懸鼠又食其

角乃免牛夏五月不郊猶三望

十年夏四月五卜郊不從乃不郊

十七年九月辛丑用郊

襄七年夏四月三卜郊不從乃免牲

十一年夏四月四卜郊不從乃不郊

定十五年正月懸鼠食郊牛牛死改卜牛夏五月辛亥郊

哀元年春王正月懸鼠食郊牛載梁牛下有角字改卜牛夏

四月辛巳郊

魯頌曰皇皇后帝皇祖后稷享以騂犧是享是宜

夫魯以享帝為宜則郊祀非過也蓋周之王業后

稷肇之文武成之周公康之是故周使魯祀后稷

以明周公功德之所本后稷配天者也於是乎郊

焉孟獻子所謂郊祀后稷以祈農事是也鄭氏云

三王之郊一用夏正其說見於易緯然以禮考之

郊特牲則曰郊用迎長日之至明堂位則曰孟春

祀帝大司樂則曰冬至祀天於圓丘而公羊亦云

正月用郊皆謂建子之月也。獻子曰：啓蟄而郊，郊而後耕。左氏亦然，皆謂建寅之月也。惟穀梁之說則自正月至于三月，皆以爲郊之時。考於經，此三月者，紀郊之變而不譏其郊，則信乎其時矣。蓋自日至以及啓蟄，陽侵長而農事興，則報天祈穀所宜有事者也。公羊二禮舉其始，左氏指其終，過與不及皆非禮也。左氏又謂禮不卜常祀而卜其牲，日則以郊時有常禮所必舉，固無可否之疑。特致嚴於牲與日耳。牲有二：曰帝牛，曰稷牛。日有三：曰上辛，曰次辛，曰季辛。子服景伯謂吳人曰：魯以十月上辛有事于上帝，先王季辛而畢。自襄以來，未之改也。然定哀之世，皆以正月用郊，則是魯郊未嘗以十月。景伯之言，豈以是給吳人耶？書曰：類于上帝，望于山川。又曰：至于岱宗，柴望秩于山川。又曰：禋望大告武成，則古之祀天，未有不望其山川者。亦未有不郊而望者。故曰：望郊之細也。諸侯所望不出其境內，故魯惟三望而已矣。

宗廟

視朔附

隱五年九月考仲子之宮，初獻六羽。

桓二年夏四月，取郕大鼎于宋。戊申，納于太廟。

三月會于稷以成宋亂

八年正月己卯，烝。夏五月丁丑，烝。

十四年秋八月壬申，御廩災。乙亥，嘗。

莊二十三年秋丹桓宮楹

二十四年春王三月刻桓宮楹

閔二年夏五月乙酉吉禘于莊公

僖八年秋七月禘于大廟用致夫人

十五年九月己卯晦震夷伯之廟

文二年二月丁丑作僖公主

八月丁卯大事于大廟躋僖公

六年閏月不告月猶朝于廟

十三年秋七月大室屋壞公羊大
作世

十六年夏五月公四不視朝

宣八年六月辛巳有事于大廟仲遂卒于垂壬午猶禘萬入祭

成三年二月甲子新宮災三日哭

六年二月辛巳立武宮

昭十五年二月癸酉有事于武宮魯人叔弓卒去樂卒事

定元年立煬宮

八年冬從祀先公

哀三年五月辛卯桓宮僖宮災

穀梁謂周公稱大廟魯公稱大室群公稱宮公羊亦然而又以大室為世室曰世世不毀也以左氏參之當為大室夫宮廟之別摠羣公言之則曰廟指一公言之則曰宮而大室則當宮廟之中所以藏主者也舉廟則可以包官室指官室則不可以兼廟

故凡稱廟者皆不主乎一宮也凡稱宮稱室者不
徧及也蓋禮稱七廟五廟則宮亦謂之廟詩稱
闕宮則廟亦謂之宮書稱王入大室裸則周亦謂
之大室然則二傳誤矣四時之祀曰禴祠烝嘗四時
之間祀曰禘禘春秋有禘而無禘公穀以大事爲
禘周官則禘禘俱無鄭氏以獻裸追享爲禘饋食
朝享爲禘蓋凡祀皆謂之事所以事其先也與禮
所謂歲事同禘則於諸祭爲大故曰大事然則禘
亦曰事而禘不曰禘何也曰事之得失在祭則正
其名以書之其得失不在是也而因是以見之則
略稱事而已矣孔子曰禘自既灌而往則禘疑以

裸爲主傳曰合食于太祖禘疑以食爲主禘所以
審昭穆故禮曰禘其祖之所自出則追享疑爲禘
禘以除喪朝廟而列新死者故經曰大事于大廟
躋僖公則朝享疑爲禘凡除喪必先禘者所以明
反始之義也士虞禮中月而禫是月也吉祭猶未
配而特牲饋食禮筮日命筮但曰適其皇祖而不
言所配則禘爲除喪之先祭明矣故始虞之視亦
曰哀薦禘事以祀事於是乎始而以合先祖爲安
故也自除喪而禘率三年而禘五年而再禘因以
爲常王制天子禘初禘禘嘗禘禘商夏祭曰禘諸侯
初禘禘一禘一禘夏禘則不禘嘗禘禘禘夫春祭物不

備故不可以禘餘三時可禘然天子則與時祀偕行
諸侯夏祭則廢禘言諸侯雖夏猶不能兼享也禘則
惟季夏之月蓋於歲之中舉之也諸侯夏不能禘而
可以禘者禘以禘為主不必備物故也夫禘必以三
時而禘惟六月則以除喪之祭急於列新死者苟可
以備禮則遂舉焉故雖除於春不過踰時而遂禘若
必主於一時則或曠時而不列非致戚之道也大傳
曰禮不王不禘又曰大夫士于禘及其高祖然則禘
自天子達而禘惟王者可行今魯有禘者與郊同義
夫禘本其所自出禘則及其祧主而已矣尊者所及
遠卑者所及近理固然也然禘雖及遠而各禘於其
祭亦已誤矣

禘

桓五年秋大雩

僖十一年秋八月大雩

十三年秋九月大雩

成三年秋大雩

七年冬大雩

襄五年秋大雩

八年秋九月大雩

十六年秋大雩

十七年九月大雩

二十八年秋八月大雩

昭三年八月大雩

六年秋九月大雩

八年秋大雩

十六年九月大雩

二十四年秋八月大雩

二十五年七月上辛大雩季辛又雩

建元年九月大雩

十年秋大雩

九月大雩

十二年秋大雩

左氏曰龍見而雩雩者常祀也常祀必有常處所謂舞雩之下是也曰大雩者非常也先王以謂陰陽愆伏理所必至而百穀所仰在於膏澤故先事而祈事至而不應則無憚於再舉歸於厚民而已矣故大雩雖不時不以爲過凡不可過者皆常祀之必以時舉者也或曰雩或曰旱或曰不雨穀梁謂雩得雨曰雩不得雨曰旱是也左氏公羊皆以書旱爲災不雨者不爲災也考於經凡書災必有驗於後如水旱

而無穀與饑是已今日不雨而無所見災焉則二說
然也然自春及秋不雨則害於播種豈不爲災蓋天
雖不雨而人事有以勝之則理或無害若乃人事不
至則雖無水旱而害亦及之莊公之告糴是矣或曰
災必有驗於後則何必變文以示義曰所謂驗者災
成而民罹其害之謂今日旱則災固害穀矣而民容
有不罹其害者若其不雨則雖穀亦無所害此所以
不同也

春秋五禮例宗卷第一

